

(ciep geiz gonq)

Seizneix lauj Vangz hajcib bi lo, ranz yienznaeuz hwnj ndaej lo, hoeng, yiemqcaiq lij caengz boiz sat, youh daengz seiz lwg ndei baenzgya lo. Boiz caiq、lwg gietvaen yiengh lawz cungj mbouj ndaej nguh, lauj Vangz lij caengz ndaej yietnaiq. Ndaw daeh de lij dwg hoengqbebbeb. Nanzgvaiq de ciengz naeuz de dwg “mingh duzvaiz”.

Bingh daeuj lumj bya lak. Miz ngoenz ndeu, lauj Vangz bingh lo, youq ndaw yienh yihyen louzyih. Mehyah bae guenj de song ngoenz song hwnz, loengh dwk song buengzda ndaem liux lo, lauj Vangz yawj le sim in lai. Haemh daihsam, lauj Vangz yaek ninz seiz doiq mehyah naeuz: “Seizneix mbouj miz ci bae daengz ranzmbanj lo, mwngz dap cigungh-gyauh bae ndaw cin danhvei ranz gou ninz ba, mboujnex ndang doemq le baenzlawz guh?” Gangj sat couh ndenq linxsaj hawj mehyah.

Mehyah haujlai bi mbouj daengz aenfuengz lauj Vangz lo. Aenvih lauj

(sawcuenh dinj)



Vangz bingzseiz dwg haet bae haemh dauq, de mwh ringz yietnaiq cij youq aenfuengz neix, mehyah engqgya mbouj daeuj youq.

Mehyah byaij haeuj ndaw fuengz, raen gwnz daengq gwnz mbonq foenx nanwtnt, de dinfwngz riengj dwk sousib hwnjdaeuj.

Mehyah hai aen doengjgvih he, geij bonj yungzyi cwngsuh nding-fwdfwd lauj Vangz haenx ingj haeuj lwgda de, mehyah caeg riu hwnjdaeuj. Sawqmw, mehyah raen dab feigeiq-

cienz he, de caen miz di mbouj saenq fouqda swhgeij, de geq dabfei mbat ndeu, miz sam cib lai mbaw, sam mbaw 500 maenz, roek mbaw 300 maenz, gizyawz mbaw 200 maenz. Mbwn ha, gij cienz neix de geiq hawj bouxlawz ni? De daj gizlawz ndaej gij cienz neix ni? Goenggeq daigaj neix, gingqyienz laeglemx rom cienzrei, cax raemj de bw! Mehyah hozndat ndaej mbei yaek dek bae, huj dwk naj nding rwz oq, fwngz miz di saenz, de youh laebdaeb fanra ndaw doengjgvih.Youq

ndaw lingh aen doengjgvih he, de raen dab saenq he, dawz fung ndeu daeuj yawj: Vangz bohlungz, mwngz ndei, mwngz geiq cienz daeuj gou sou ndaej lo, docih mwngz gvansim gou……

Mehyah raemxda ciuz ngvih lo, yawj mbouj cingcuj lo……Saenq dwg boux hagseng siujyoz heuhguh Siujveih he daj Swconh Swngj Menzyangz Si Feisiuj Cin geiq daeuj. Mehyah caiq sijsaeq yawj gij feigeiq-ngaenz haenx, raen moix ndwen cungj miz mbaw ndeu.

Ngoenz daihngeih, mehyah dawz geij mbaw feigeiqngaenz caeuj geij fung saenq bae yihyen. Mwh de youq dangqnaj lauj Vangz cuengq gij doxgaiq neix seiz, lauj Vangz doeksat liux, yaep he, de riuhehe naeuz: “Hong baujmiz gou guh mbouj ndaej ndei geijlai, deng ‘dwzvu’ fatyienh lo.” Lauj Vangz youh ngauzngauz gyaeuj naeuz: “Siujveih dwg boux lwgg yax deihdoengh seiz louz roengz-daeuj ndeu, hojlien dangqmaz, mehyah, mwngz mbouj huj ho?”

“Gij cienz neix daj gizlawz daeuj?” Mehyah cam.

Lauj Vangz naeuz: “Gou youq seiz banngoenz yietnaiq au cimohtoz bae dap hek; mwh hong reihnaz hoengq seiz, miz mbangj ngoenz singhgiz gou yaeuh mwngz naeuz danhvei gyahbanh, gizaed gou dwg bae dap hek.”

Dingq daengz neix, mehyah rox-nyinh aen ndaeng soemjswdswd, naeuz: “Mwngz ha, mwngz……”

Gvaq le geij ngoenz, mehyah dawz gunghswghaj hawj dauq lauj Vangz. Lauj Vangz dauqfanj mbouj eiqseiq lo, naeuz: “Lij dwg mwngz dawz ba, gou gvaq ndaej bae.” Mehyah miz di gip, naeuz: “Hawj mwngz mwngz couh au vei, lij lawq gijmaz?” Lauj Vangz yawjyawj mehyah, riunyumj hwnjdaeuj …… (sat)

(fwen laeggiek)

Beij Lienhcingz Gvej Hazriengh

割牛栏草情歌

□Fangh Swlunz/方仕伦

(ciep geiz gonq)

Sai: Raeuz doengzgungh bae gvej hazriengh, Caez bae Gwnzyiemh rox Bo’nyouz; Neix raeuz byaij daengz Laengcazyouz, Mwngz gangj hawj gou vang gyawz mienh.

Song duz roeglaej bae hamz fiengz, Guh rongz bangxcienz sim doxlien; Raeuz doengzgungh bae gvej hazriengh, Caez bae Gwnzyiemh rox Bo’nyouz.

Raemxdah cix baenz lai ngadah, Lohsamca baq lai bak dou; Neix raeuz byaij daengz Laengcazyouz, Mwngz gangj hawj gou vang gyawz mienh.

Mbwk: Gwnzbangxyiemh mak haz mwn noengq, Hojsik de lingq mbouj ndei bin; Bo’nyouz dauqcin(caen) lai youh bingz, Giz haenx vunz rim mbouj fuengbienh.

Byalau cix baenz youq ndawvaengz, Raet dok conghfaengz mbaw do ndongq; Gwnzbangxyiemh mak haz mwn noengq, Hojsik de lingq mbouj ndei bin.

Gienq mwngz caez bae Gwnzyiemhmak, Gvaq daengz laeng dat raeuz cix hingz; Bo’nyouz dauqcin(caen) lai youh bingz, Giz haenx vunz rim mbouj fuengbienh.

Sai: Nuengx gangj Yiemhmak cix Yiemhmak, Gou gyaez bin dat gyaez riengz mwngz; Couh lau dieg haenx vunz bangjfwngz, Beg bae daengz gwnz youh lingh dauq.

Raen diuz hanzhaz song gyaeuj soem, Faggeuz daet byoem it aenbak; Nuengx gangj Yiemhmak cix Yiemhmak, Gou gyaez bin dat gyaez riengz mwngz.

Duzgaeq hah rungz bit mbouj ciemq, Bya’ndok hai diemq youq bakdwnj; Couh lau dieg haenx vunz bangjfwngz, Beg bae daengz gwnz youh lingh dauq.

Mbwk:Danghnaeuz bangjfwngz gou bangjfwngz, Daegdingq caj mwngz guh gacuengx; Ndit dak hoz hat(hawq) gwn lwgnduengq, Seizbienh bae yuengq mbouj byawz naeuz.

Gofaex bangxdat au fwngz vax, Fwn doek yiemhvax lae haeuj gywngz; Danghnaeuz bangjfwngz gou bangjfwngz, Daegdingq caj mwngz guh gacuengx.

Makit ndaem cug venj gwnz gaeu, Yaengx fwngz bae au song raeuz suenq; Ndit dak hoz hat(hawq) gwn lwgnduengq, Seizbienh bae yuengq mbouj byawz naeuz.

(caengz sat)

Cungj bingzyaenx cuji swngh-canjdui caeuj swnghcanjdui doxmiz haenx ndaej gaijgez le, doiq guh nungzyez swnghcanj miz coicaenh gig daih. Hoeng, swnghcanjdui ndawde seyen caeuj seyen miz cungj bingzyaenx cuji haenx haemq youqgaenj, aen vwndiz neix mbouj ndaej gaijgez seuq bae, cix mbouj ndaej cungfaen diuhdoengh vunz lai haengjheiq bae guh hong.

Veiz Gozcingh caeuj gij doengzsaeh de youh hainduj bae damqra aen vwndiz neix lo.

“Yaujgvangh, mwngz youq dieg raeuz dwg boux nungzyez conghyah ndeu, mwngz yawj aen vwndiz neix baenzlawz cix ndaej guh ndei ne?” Gyauz Yaujgvangh dauqma Guengj-sae guh hong le, Veiz Gozcingh lai

baez cam de gij cingzgvang Cauzsenj hwnqguh sevei cuji haenx, caemh-caiq doxgangj doxyaeng Guengjsae baenzlawz guh hong sevei cuji.

“Gou suenq gijmaz conghyah, gangj daengz guh dujgaj gou lij gangj ndaej di vah he, ngamq haidaeuz guh hozcozva gou cix deuz

bae guekrog lo, guh hong nungzyez gou noix sizcenj ha, nanz gangj ok dauhleix daeuj.” Gyauz Yaujgvangh soqlaiz gangjvah haeujsim raixcaix, de mbouj diucaz ngeixyaeng gvaq ne cix mbouj luenh gangj vah.

Geij boux suhgi cungj nyinh-naeuz, vih gaijgez youq ndaw

swnghcanjdui vunz caeuj vunz miz cungj bingzyaenx cuji aen vwndiz neix, cix au haeujlaeg damqra swnghcanjdui baenzlawz ginghyingz caeuj guh guenjleix.

Bi 1962 ndwen 7 ndawcib, Veiz Gozcingh youh daengz Vujmingz Yen baez dem. (caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

baez cam de gij cingzgvang Cauzsenj hwnqguh sevei cuji haenx, caemh-caiq doxgangj doxyaeng Guengjsae baenzlawz guh hong sevei cuji.

“Gou suenq gijmaz conghyah, gangj daengz guh dujgaj gou lij gangj ndaej di vah he, ngamq haidaeuz guh hozcozva gou cix deuz

bae guekrog lo, guh hong nungzyez gou noix sizcenj ha, nanz gangj ok dauhleix daeuj.” Gyauz Yaujgvangh soqlaiz gangjvah haeujsim raixcaix, de mbouj diucaz ngeixyaeng gvaq ne cix mbouj luenh gangj vah.

Geij boux suhgi cungj nyinh-naeuz, vih gaijgez youq ndaw

swnghcanjdui vunz caeuj vunz miz cungj bingzyaenx cuji aen vwndiz neix, cix au haeujlaeg damqra swnghcanjdui baenzlawz ginghyingz caeuj guh guenjleix.

Bi 1962 ndwen 7 ndawcib, Veiz Gozcingh youh daengz Vujmingz Yen baez dem. (caengz sat)